



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

LXII. Ein Widerkaufsbrief Lyppoldt Beers, Dorinne er dem Closter vorkaufft
Einen hof vnd zwvn hufenn Im dorff Werbende mitt X Mark Pacht, Item
noch 15 schilling vff einem andern Hof, Item noch 6 ...

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

Ridder, Henning Pafchedach, sin Bruder, Her Hinrick Cok, priſter. Tho orkunde vnd tho merer bewifunge deſſer vorſchreuen ding, datt die ſtede vnd vaſte bliuenn tho ewiger tidt. So hebbe Ick Engelke, vater, vnd Albrecht, ſone, vorbenömet, geheitenn Warborge, houetlude deſſes vorſchreuen kopels, vnſe Ingeſegele wtlükenn lathenn hengenn ann deſſenn brieff, de geuenn Iſs na Godeſ borth verteinhundert Jar, In deme vir vnd twintegſtenn Jare, In deme dage funte Barbaren, der hiligenn Jungvrowenn.

Dise obgeſchribene Copej iſt Collationiret vnd auſcultiret, Vorgeleicht ſich auch mit Irem Rechten Pergamenen Originali allenthalben, Daſſ betzeuge Ich offgemelter Notari E. Seydell mitt diſer meiner eigenen Handſchrift.

LXII. Ein Widerkaufsbrief Lyppoldt Beerſ, Dorinne er dem Cloſter vorkaufft Einen hof vnd zwen hufenn Im dorff Werbende mitt X Mark Pacht, Item noch 15 ſchilling vff einem andern Hof, Item noch 6 ſchilling vff einem koſſaten hof fur 123 Mark Vinkenogen.

Ick Olde Lippelt Bere, Knappe, wonaſſlich tho deme Roddelin, Betuge vnd bekenne In deſſeme Jegenwerdegen Breue, datt Ick mitt minenn rechtenn eruenn vnd wolbedachtenn mude hebbe verkofft rechtens redelkenn kopels deme geiſtlikenn hern, Her Arnde, Abbete, vnd deme Conuenthe deſs Cloſters tho der Hemmelporte einenn hof vnd twe huenn mitt aller rechticheitt, dar vppe ligghenn tein mark pacht, Inn deme dorpe tho Werbende, dor nu vppe wonett Dinneghels Vofs, vnd veſtein ſchillinge vppe deme houe, dar nu vppe wonett Jacob grube, vnd ſofs ſchillinge vppe deme kotenn, dar nu vppe wonett Hans Ditmer. Deſſe vorbenumde pacht vnd penninge ſcholenn deſſe vorbenumbdenn hern börenn vnn deſſenn vorſchreuen Ludenn vnd vnn allenn örenn nakamelingenn tho allenn funte Mertens dagenn vnd vte denn vorbenumbdenn houenn vnd kotenn tho pandende, wo vakenn en deſs noth vnd behuff Iſs, ſunder Jenegerleie anſprake miner edder miner eruenn, vnd ſcholenn dit vorbenumbt gut hebben mitt alleme rechte, mitt diſte, mitt bede vnd richte, alſe datt min vater mie geeruet hefft, vnd mie vnd minenn eruenn hir nicht ann tho beholdende, ſunder di loſinge, vnd ſcholenn em deſs eine wehre weſenn vor alle denn Jenenn, die vor recht kamenn willenn. Vor ditt vorſchreuen gudt hebbenn ſie geuenn mie hundert mark vinkenogenn penninge vnd drie vnd twintich mark derſuluenn munthe, die ſie my all vnd tho dancke ann guder munthe woll bereth hebbenn vnd an minen nuth vnd vrommenn vnd miner eruen gekomenn. Vnd wann Ick edder mine eruenn dit vorbenumbt guth wedder loſenn edder kopenn willenn, datt ſcholenn wie deſſenn vorbenumbdenn hernn deme Abbete vnd deme Conuenthe tho der Hemmelporte oper kundeghenn ein half Jar tho vornn vor funte Michels daghe, vnd geuenn en denn tho deme negeſtenn funte Mertens dage darnah denn houetſtull mitt der pacht, alſe hundert mark vinkenogenn penninge vnd dre vnd twintich mark derſuluenn munthe an ener ſumme to einer tidt alſodaner munthe, alſe denne to der tidt genge vnd geue Iſs Inn deme Lande tho oldenn Stargardt. Ock ſchall Ick edder mine eruenn binnenn tein Jaren ditt vorbenumbt gut nicht löſenn edder yffegghenn tho loſende. Tuge hebbenn hirouer gewefenn bederue lude: Her Hinrick Cuffowe, Her Henning Oſterwelt, priſter, Albrecht vonn kerkow vnd Ludeke kratz, knapenn. To tuge vnd groter bewarynge ſo hebbe Ick olde Lippoldt Bere vorbenumbt mitt willen vnd wiſſchop min Ingeſegell lathenn hen-

genn vor dessenn brieff, di geuenn Ihs nah Godefs borth vierteihundert Jar, darna In deme drutigetenn Jare, In deme dage visitationis Marie.

Dise Copej Ist Collationiret vnd Vorgeicht sich mit Irem Original, dass Bekenne vnd bezeuge Ich obgesetzter Notari mit diser meiner eigen Handtschrift.

LXIII. Lypold, Claufs vnd Bertram, gebrudere, di Behren vorkauffen dem Closter Eylff Mark fünf Schillinge vinkenogen Jerlicher hebung Im Dorff tzu Werbende fur 136 Mark.

Vor allenn Christenn Ludenn, dy dessenn brieff seenn edder hörenn lesenn, Bekenne wie Olde Lippolt, Claufs vnd Bertram, bröder, alle genhomet Beren, dass wi mid vnser eruenn mitt eintracht vnd to likenn Houelludenn, midt bereden mude, vngenödigt vnd ane allenn Dwang, recht vnd redelikenn vorkofft hebbenn vnd Jegenwerdigenn vorköpenn In demselben opene briue den geistliken erwerdigen herenn, Hern Hinricke, Abbete, vnd deme gantzen Conuente des Closters tho der Hemmelporte eluenn mark vinkenogenn penninge vnd viff schillinge derseluen munthe In demselben dorpe tho Werbende, vppe denn nabelchreuenn houe vnd kathenn, alse vonn deme houe vnd huuenn, de nu bewonett vnd buwett Dinneghes vofs, tein mark, vonn deme houe vnd huuenn, de nu bewonet vnd buwett Jacob grube, vestein schillinge, vppe deme katenn, denn nu bewonett Hanfs Ditmer, voss schillinge, vnd vonn allenn eren nakomeligen, vnd scholenn dass hebbenn mitt alleme rechte tho eme ewigenn kope, alse dass wy edder vnse eruenn dar nicht ane beholden schölen. Heruor hebbenn sie vnse geueenn vnd tho dancke woll bereth hundert mark guder penninge na vinkenogenn werde, vnd voss vnd dryttich mark derseluen munthe, di an vnsern wilikenn nuth vnd vromenn vnd vnser eruenn gekomenn sindt. Desse vorbenumbde kop soll ewich deme Conuenthe tho der Hemmelporthe bliuenn, vnd wy vnd vnse eruenn schölen vnd willenn denn Abbete vnd Conuenthe vorbenumbt eine rechte were wessenn vor allen, watt beren ghenomett sin, vnd fortmer vor alle denn Jenen, die vor recht kommen vnd rechtels genitenn vnd entgeldenn willenn. Ditt vorschreuen gutt hebbenn wie vorbenumbde Berenn denseluen hern vann der Hemmelporthe vorlathenn ewiglikenn tho besittende vnd tho hebbende, mitt alleme rechte vnd mit dinste, Also dass wi dar nicht ane beholdenn, noch an deme Schultenn, noch an demselben kerkenn. Ouer dissem kope sindt gewessenn tugenn erlike hern, her Curdt beffute, probest tho Granfoye, Her Heinrick Osterwoldt vnd mer erwerdegen Lude. Vppe dass desse kop, alse vorgeschreuen Ihs, stede, vaste vnd ewich bliue, sunder allerleie argeliff vnd grotter bewarunge, so hebbenn wie olde Lippoldt, Claufs vnd Bertrem, Bröder, genömet Berenn, vnse Ingefegle mit witschop vnd willenn lathen hengenn vor dessenn brieff, de schreuen Ihs nah Godefs borth vierteihundert Jar, darna In deme ein vnd drutigesten Jare, In demselben lichtmessenn Auende.

Dass disse Copei mit Irem Rechten Pergamen Original Collationiret vnd auscultiret vnd demselben allenthalben gleichlautend sey, dass Betzeuge Ich offgenannter Notarius mit diser meiner eigen Handtschrift.